



**DET KONGELIGE  
FINANSDEPARTEMENT**

*Royal Ministry of Finance*

*Finansministeren*

Stortinget  
Ekspedisjonskontoret  
0026 OSLO

Dykkar ref

Vår ref  
20/989 -

Dato  
03.03.2020

**Svar på spørsmål nr. 1050 frå stortingsrepresentant Hadia Tajik**

Eg viser til brev av 24. februar 2020 frå Stortingets president, vedlagt følgjande spørsmål frå stortingsrepresentant Hadia Tajik til skriftleg svar:

«Kan statsråden leggja fram tal på kontrollar med heimel i §10-4 i skatteforvaltningsloven for konsern med over 1 milliard kroner i omsetning (storbedrift), og vise tal på kontrollar over tid?

Begrunnelse:

Viser til svar på spørsmål 874.»

**Svar:**

Skatteetaten retter særleg innsatsen sin mot område og verksemdar der risikoen for manglande etterleving er størst, uansett storleik, og bruker mange verkemiddel i dette arbeidet, jf. mitt svar på spørsmål nr. 874.

Skatteetaten følgjer ikkje talet på kontrollhyppigheit etter storleiken på selskapa. Det er heller ikkje mogleg med maskinelle søk i Skatteetatens systemer å skilje kontrollar med heimel i §10-4 frå andre kontrollar.

Skatteetaten har difor henta fram tal som viser kontrollar av selskap/konsern som inngår i manntalet for Avdeling Storbedrift. Det vert gjort merksam på at manntalet til Avdeling Storbedrift også inneheld selskap/konsern med under 1 milliard kroner i omsetjing fordi avdelinga har ansvar også for mellom anna kraft-, rederi- og samvirkebeskatning, uavhengig av kor stor omsetjinga er. Kontrollar i denne delen av manntalet vil difor også inngå i oversikta nedanfor då det heller ikkje her er mogleg å skilje mellom selskap over/under 1 milliard ved maskinelle søk.

Tal for kontrollar mot selskap som inngår i manntalet til Avdeling Storbedrift i perioden 2010–2018:

2010	2011	2012	2013	2014	2015	2016	2017	2018
207	382	453	304	233	231	273	293	312

Storbedriftsavdelinga nyttar ein arbeidsmetodikk som gjev Skatteetaten god kunnskap om konserna og set etaten i stand til å førebyggje risiko for manglande etterleving, jf. mitt svar på spørsmål nr. 874. Kontroll er berre eit av fleire verkemiddel her.

Med helsing

Jan Tore Sanner